

(١٩)

العجوز والمطر

«إهداء إلى من هو باق ببقائى»

فى أوقات لما بتفيم بحس فى قلبى أنا بعصرة
يدق حنين على بابہ يصحى الماضى والذكرى
ابص القاه حنين باكي لأيه بالضبط ما عرفش
واهرب من دموعى واخاف لتسبقنى وملحقشى

والأقى نفسى باتسحب واخبى نفسى فى الوحدة

تقوم الوحدة تخدعني وتزحم راسى بالخيالات
تسرب لى قصاد عيني صور متاخدة من مسافات
وشوش حابة وشوش كارهه صور أحياء صور أموات
واستسلم و قلبى يدق واحس بقرب ناس جاية

بتفرض نفسها عالکادر بقوة ولا باستحياء
تخلي الفرحة كسرة نفس تخلي حزننا استعلاء

خيال ماسك ريموت دايس يجري في عمرنا يرجع
وفجأة يثبت الصورة على قزم بخيال مارد
بجسم هزيل وقلب كبير وفكره في الخلا فارد

مهاجر يشتغل بره وكل ما فيه بيتوجع
ده أب عجوز بيتعكز على ضعفه على صموده
وحرصه وحبه لعياله فرد ضهره صلب عوده
وحتى الوهن والشيبة خلق منها مضاد القهر
ماهى دنيا ماهوش فيها تساوى طفل من غير ضهر
محارب فى غروب عمره قلب شمس الحياة لشروق
عمى بين صحته فى شبابه والشيوخوخة أى فروق
عياله جددت دمه بنى لهم واحة من همه
مسك فى الدنيا واتشبت وخذ من صغرهم قوة
وخلي السن والتجاعيد فى شكله بره مش جوه
وتجربى الصورة تثبت على الطفل المعشش خوف
طفولته فيها محية وغير حبه لأبوه مايشوف

على أيام رايحه مش جايه
لحلمه ينتهى فى ثانية
بتتلخص فى أب عجوز
يحققها له لما يعوز
كلام نازف بدون ما يحس
وبيلبسنا أحسن لبس

على طفل الدموع ملياه
كأنه بيبيكى بمسامه
راسمها الننى بدموعه
ليه واخذ حلمه برجوعه

كأن دموعها بتقطر
والاقى راسى بتفقر
اتارى عيونى بتمطر

وكون حلمه بيتسند
ملاه الخوف وعاش قلقان
طفولته وعيشته وآماله
وحلمه يبقى أمنية
وكان باين من الصورة
ده حارم نفسه ما لبهجة

وفجأة بتثبت الصورة
مغرقة وشه وكيانه
عيونه فيها صورة أبوه
مسافر ليه وسايبه وحيد

وتبتدى تبتهت الصورة
تتوه الصورة تتشوش
وامسح عيني لجل ما اشوف

القاهرة ٢٠٠٩/١/٢١